

1

E Noho Ana Au
(Na Rangiruhia Kohe Elkington)

E noho ana au i toku Taumata
Papaki mai ngangaru i te pari kohatu

Ka rere arorangi oku nei mihi
ki nga moutere i waho Rangitoto

Kurupongi, Tinui Te Kainga tupuna,
Whakatere, Papanui, Motu iti te kurakura.

Tangipuku ai au i te tini o te mate, moe mai na i runga Te Marua

Kahuri nga mata ka titiro whaka waho ki te rama i runga Takapourewa hei
tohu huarahi rere i nga onga waka.

Ka rere nga mihi ki nga Kohatu, Tamahine a Pani

Ka eke ki runga Taparere te horo, tu mai araiwa te kopinga huarahi.

Taumai ki runga Hautai kia mihi iho au ki te rua koiwi i oku tupuna moe mai e
koro ma e.

Hoki whaka muri au, ki te Kawau-a-toru, ki Te Aumiti, te tai nukunuku a Pani.

Ki a tau mai au i Haukawa, waiho au kia tangi, ki oku tini mate, kia tangi tu
au, tangi tiwarau.

Kua pupuhi te hau i te marae kainga Aue te mamae i ahau e.